



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Christiana Institvtio Virtutum & vitiorum sacri uerbi Dei  
declamatoribus admodum vtilis et necessaria**

**Ammiani, Sebastiano**

**Venetiis, 1562**

Defensio peccati fugienda est propter quatuor.

**urn:nbn:de:hbz:466:1-30415**

*Defensio peccati fugienda est propter quatuor.*

**P**rimo, quia Deus non liberat illum à peccato, qui defendit peccatum. Vnde Salomon dicebat. Qui abscondit scelera, sua non dirigitur. & Ambr. Cum factus es peccati tui defensor, quo modo erit Deus liberator? ut sit ipse liberator, tu esto accusator. Secundo, quia defensor peccati, Deum in culpa sua inuolueret uult. quod quidem magnum peccatum est. Vnde super illud Genesis. Mulier quam dedisti mihi cepit me. dicit Glossa. Proprium est peccantibus Deo uelle attribueri unde accusantur. Et super illud Psalmi. Nolite inique agere, &c. dicit etiam. Malum est peccare, & peius est perferre, perniciosissimum est defendendo se, in Deum culpam suam proiicere. Tertio, quia magna est stultitia uelle defendere pessimum hostem quem habet, scilicet peccatum, quod est pessimus hostis: quia nec homo, nec diabolus potest nocere homini si cauerit se ab hoste. Vnde Gregorius dicit. Nulla nocebit aduersitas si nulla dominetur iniquitas. Quarto

Ambr.

Gen. 3.

Glossa.

Psal. 78

Grego.

CHRISTIANA

to fugienda est exemplo sanctorum, qui culpabiles se timent, & agnoscent culpam ubi non est. Vnde Gregorius. **Greg.** Piarum mentium est, ibi culpa agnoscere ubi culpa non est. **Pro. 18.** Prou. decimo octauo. Iustus in principio accusator est sui. Ille enim qui peccatum non fecit, nec inuentus est dolus in ore eius, signa peccati habere non timuit. uoluit enim circumcidi, & cum iniquis deputari, & esse opprobrium hominum, & abiectio plebis. Vnde **Hieron.** Hieronymus. Quantuncunque abiectus fuero, nunquam abiectior ero Iesu Christo.

*Desideria, à quibus debemus abstinere, sunt tria.*

**P**rimo, debemus abstinere à desideriis carnalibus, quæ sunt delectationes carnis. Vnde Paulus ad Romanos dicit. Et carnis curam ne feceritis, &c. Secundo à desideriis secularibus, desideria secularia sunt honores seculares. Vnde Paulus ad Titum dicebat. Apparuit gratia saluatoris nostri Dei omnibus hominibus erudiens nos, ut abnegantes impietatem & secularia desideria sobriè, & iustè, & piè uiuamus in hoc